



UNIVERSITETI I PRISHTINËS  
"HASAN PRISHTINA"  
UNIVERSITY OF PRISHTINA

Rr. Xhorxh Bush, Ndërtesa e Rektoratit, 10 000 Prishtinë, Republika e Kosovës  
Tel: +381 38 244 183 • E-mail: rektorati@uni-pr.edu • www.uni-pr.edu

Nr. ref. 1/809  
Datë: 21.9.2020

Senati i Universitetit të Prishtinës "Hasan Prishtina" shpall:

## KONKURS

**për pranimin e studentëve në vitin e parë të studimeve themelore - baçelor për vitin akademik 2020/2021**

Senati i Universitetit të Prishtinës "Hasan Prishtina", në bazë të kompetencave të përcaktuara sipas nenit 106 të Statutit, në mbledhjen e mbajtur më 09.09.2020, ka miratuar propozimet e njësisë akademike për numrin e studentëve që do të pranohen në vitin akademik 2020/21 dhe ka miratuar kriteret për regjistrim në studimet themelore – baçlor. Propozimet e numrit të studentëve pas miratimit nga Senati, gjithashtu janë aprovuar nga Ministria e Arsimit dhe Shkencës (në tekstin e mëtejshëm MASH) me shkresën nr. 2240, dt.17.09.2020.

### I. KUSHTET E PËRGJITHSHME

1. Universiteti i Prishtinës, në vitin e parë të studimeve themelore -baçelor, në afatin e parë të konkursit për vitin akademik 2020/2021, do të regjistrojë 6638 studentë të rregullt.
2. Në kuadër të numrit të përgjithshëm të përcaktuar si në paragrafin 1, bazuar në UA nr. 09/2016 të MASH, universiteti do të regjistrojë deri në 12%, përkatësisht deri në 787 studentë të rregullt nga komuniteti jo shumicë. Kuota prej 12% e vendeve të rezervuara për regjistrim të studentëve nga komuniteti jo shumicë do të shpërndahet në mënyrë proporcionale, sipas përqindjes së numrit të përgjithshëm të studentëve për secilin departament apo program të fakulteteve veç e veç.
3. Në universitet, në bazë të kuotave të përcaktuara nga MASH, në kuadër të numrit të përgjithshëm të studentëve, mund të pranohen deri në 2%, përkatësisht deri në 133 kandidatë nga Presheva, Bujanoci dhe Medvegja, deri në 2%, përkatësisht deri në 133 kandidatë nga Maqedonia dhe Shqipëria dhe deri në 1%, përkatësisht deri në 76 kandidatë nga Mali i Zi. Kandidatët të cilët kanë lindur në vendet e sipërshtuara, ndërsa shkollimin e mesëm e kanë mbaruar në Republikën e Kosovës, do t'iu nënshtrohen kushteve të njëjta për pranim si kandidatët nga Kosova.
4. Përjashtimisht kushteve të veçanta, të përcaktuara për kandidatët si në pikën 2 dhe 3, nëse të njëjtit arrijnë të kualifikohen brenda numrit të paraparë si në pikën 1, atëherë këta kandidatë nuk do të llogariten në kuadër të kuotës së rezervuar.
5. Mbi bazë të konsideratave humane, Universiteti i Prishtinës rezervon të drejtën e pranimit të kandidatëve me nevoja të veçanta, të cilët statusin e tyre duhet ta dëshmojnë me certifikata përkatëse, të lëshuar nga institucionet gjegjëse.
6. Universiteti nuk do të mundësojë lehtësira për pranim nëse njëri prej kandidatëve binjakë nuk arrin të pranohet në programin e njëjtë apo të ndryshëm me binjakun tjetër.
7. Të drejtë pranimi në Universitetin e Prishtinës kanë të gjithë kandidatët kosovarë, të cilët shkollimin e mesëm e kanë përfunduar në njërin prej shkollave publike apo shkollave private të licencuara në Republikën e Kosovës dhe që e kanë diplomën për shkollimin e kryer.
8. Në universitet mund të pranohen edhe kandidatët nga shtetet tjera në kushte të njëjta konkurrimi me kandidatët nga Kosova.
9. Kandidatë jo kosovarë konsiderohen kandidatët të cilët shkollimin e mesëm e kanë mbaruar jashtë Kosovës.
10. Dëshmia për njohjen dhe për barasvlerën e diplomës merret në Ministrinë e Arsimit dhe Shkencës (MASH), ndërsa barasvlera e notave do të bëhet nga Zyra për Zhvillim Akademik, e cila gjendet në Fakultetin Filozofik, kati II nr.107.

11. Universiteti do të sigurojë përgatitjen e testeve për provim pranues në gjuhën, në të cilën kandidatët kanë përfunduar shkollimin paraprak ose/dhe për të cilën deklarohen paraprakisht në formularin për vetë deklaram, përveç në rastet specifike, ku testi do të përgatitet në gjuhën, në të cilën zhvillohet programi (p.sh. në programet e Fakultetit të Filologjisë: Gj.Let. Angleze; Gj.Let. Gjermane; Gj.Let. Frënge; Gj.let. Turke dhe Orientalistikë).
12. Njësitë akademike përkatëse me rastin e aplikimit të kandidatëve nga komuniteti jo shumicë bëjnë verifikimin e dokumentacionit pedagogjik, duke përfshirë dëftesat dhe diplomat në gjuhën në të cilën kandidatët kanë përfunduar shkollimin e mesëm.
13. **Deklarimi i rrejtshëm në formularin për vetë deklaram, sipas nenit 391 të Kodit Penal (KODI NR. 04/L-082) të Republikës së Kosovës, konsiderohet vepër penale.**
14. Kandidatët të cilët kanë të regjistruar një program studimi në cilindo nivel të studimit në kuadër të Universitetit të Prishtinës nuk kanë të drejtë konkurrimi në program tjetër studimi në UP pa përfunduar studimet në programin ku kanë qenë duke studiuar ose pa u çregjistruar nga programi aktual i studimeve.
15. **Kandidatët për pranim si studentë të UP-së në vitin akademik 2020/21 nuk mund të konkurrojnë në më shumë se një fakultet, departament, drejtim apo program.**

## II. MËNYRA E PËRZGJEDHJES SË KANDIDATËVE

1. Përzgjedhja e kandidatëve për të gjitha fakultetet do të bëhet sipas kritereve si në vijim:
  - a) Për nxënësit që kanë diplomë për kryerjen e shkollës së mesme e nuk kanë pasur provim të maturës: Numri maksimal i pikëve sipas kritereve vijuese është 100 pikë dhe atë:
    - Suksesi në shkollën e mesme deri në 30 pikë dhe
    - Suksesi në provim pranues deri në 70 pikë.
  - b) Për nxënësit që kanë diplomë për kryerjen e shkollës së mesme dhe e kanë dhënë me sukses provimin e maturës: Numri maksimal i pikëve sipas kritereve vijuese është 100 pikë dhe atë:
    - Suksesi në shkollën e mesme deri në 30 pikë;
    - Suksesi në maturë deri në 30 pikë dhe
    - Suksesi në provimin pranues deri në 40 pikë.
2. Të drejtë radhitjeje, përkatësisht pranimi kanë vetëm kandidatët që arrijnë së paku 40% nga numri i pikëve të parapara për provim pranues, deri në numrin e paraparë sipas konkursit.
3. Kandidatët të cilët nuk arrijnë së paku 40% nga numri i pikëve të parapara për provim pranues nuk mund të pranohen edhe nëse mbeten vende të paplotësuara sipas konkursit.
4. Përgjithësisht kushteve të përgjithshme të përcaktuara në paragrafët 2 dhe 3 të pikës II, kandidatët të cilët konkurrojnë sipas kritereve të përcaktuara si në paragrafët 2 dhe 3 të pikës I, të drejtë radhitjeje, përkatësisht pranimi, kanë vetëm ata që arrijnë së paku 30% nga numri i pikëve të parapara për provim pranues.
5. Fakultetet e organizojnë mbajtjen e provimit pranues në lëndët mësimore, të cilat i caktojnë vetë fakultetet.
6. Fakultetet me specifika të veçanta organizojnë provim praktik në lëndë dhe disiplina përkatëse.
7. Fakultetet janë të obliguara që listën e kandidatëve që kanë konkurruar t'ia dërgojnë rektoratit të universitetit dhe ta publikojnë në ueb-faqen e fakultetit.
8. Për funksionimin e departamentit, seksionit, degës, drejtimit ose programit të fakultetit është i nevojshëm numri minimal prej 20 studentëve, përveç Fakultetit të Arteve, ku grupi mund të formohet edhe me më pak studentë.
9. Nëse numri i pikëve të disa kandidatë të ranguar si të fundit në listën e të pranuarve është i barabartë me kandidatë tjerë jashtë numrit të planifikuar për pranim, zgjedhja e kandidatëve do të bëhet sipas këtij prioriteti:
  - a) Kandidati/ja i/ cili/a ka rezultat më të mirë të provimit pranues, e nëse edhe pikët e provimit pranues janë të njëjta;
  - b) Kandidati/ja i/ cili/a ka sukses më të mirë të shkollës së mesme, e nëse edhe pikët e provimit pranues dhe të suksesit të shkollës së mesme janë të njëjta;
  - c) Kandidati/ja i/ cili/a ka rezultat më të mirë nga testi i maturës.

- d) Në qoftë se edhe sukcesi është i njëjtë, atëherë përzgjedhja e kandidatit/es fitues, do të bëhet përmes tërheqjes së shorti në prani të kandidatëve me pikë të barabarta si në paragrafët a), b) dhe c) të pikës 9.

### III. AFATET E KONKURSIT

**Për regjistrimin e studentëve në vitin e parë të studimeve, oraret do të jenë si në vijim:**

1. Paraqitja e dokumenteve zgjat prej datës **21.9.2020 deri më 30.9.2020** në ora 16.00 (dokumentet do të pranohen çdo ditë me përjashtim të dielave).
2. Ditën e parë të konkursit, me datë **21.9.2020**, aplikimi online do të funksionalizohet nga ora **9:00**, ndërsa pranimi i dokumentacionit në njësitë akademike do të fillojë nga ora **10:00**.
3. Kandidatëve u rekomandohet që para paraqitjes në konkurs të bëjnë kopje të mjaftueshme të dokumenteve dhe të njëjtat ti noterizojnë, sepse dokumentet origjinale nuk do të mund t'i tërheqin deri në diplomim apo ç'regjistrim nga fakulteti.
4. **Me rastin e paraqitjes, kandidatët duhet t'i sjellin këto dokumente:**
  - a) *Ekstraktin e lindjes (original) jo më i vjetër se 6 muaj,*
  - b) *Dëftesat e të gjitha klasave të shkollës së mesme (original, të noterizuara ose dublikatë),*
  - c) *Diplomën e kryerjes së shkollës së mesme ose dëftesën e maturës, nëse ka pasur provim të maturës (original, të noterizuar ose dublikatë),*
  - d) *Kopjen e letërnjoftimit,*
  - e) *Fletëparaqitja e plotësuar shkarkohet gjatë aplikimit online nga interneti: Vegza (linku) për konkurrim online përmes internetit është: <http://apliko.uni-pr.edu>*
  - f) *Pagesën prej 2.5 Euro. Forma e pagesës shkarkohet dhe shtypet nga ueb-faqja e Universitetit të Prishtinës, ndërsa pagesa bëhet në bankë,*
  - g) *Dëshminë mbi njohjen e shkollimit jashtë vendit-Lista e institucioneve parauniversitare të licencuara në vend, sigurohet në MASH nga Administrata Qendrore e UP-së.*
5. **Me rastin e aplikimit, të gjithë kandidatët janë të obliguar që dokumentet e kërkuara si në pikën 4 të kapitullit II, t'i dorëzojnë në sportelet e fakulteteve në dosje (fashikull) të bardhë, e cila duhet të jetë unike për të gjithë kandidatët.**
6. **Të gjithë kandidatët janë të obliguar që të respektojnë rekomandimin e IKSHP për ruajtjen e distancës prej 1,5-2 metra dhe të përdorin maskën mbrojtëse.**
7. Dokumentet nën pikën b) dhe c) mund të pranohen dublikatë vetëm nëse dëshmohen me vërtetim të organeve kompetente për humbje, dëmtim, vjedhje etj. ***P.S. Pas nxjerrjes së dokumenteve dublikatë, dokumentet origjinale nuk mund të shfrytëzohen nga kandidati, pasi që ky veprim konsiderohet vepër penale.***
8. Njoftimet dhe oraret për vendin ku do të mbahen provimet pranuese mund të merren në fakultetet përkatëse, si dhe në ueb-faqet e këtyre fakulteteve.
9. Datat e mbajtjes së provimeve pranuese në fakultetet e ndryshme janë të shpallura në vijim:

**Provimi pranues, për shkak të pandemisë COVID-19 do të mbahet në një periudhë më të gjatë, respektivisht më datë 02.10.2020; 03.10.2020; 05.10.2020 dhe 06.10.2020, sipas orarit si në vijim:**

#### **Grupi I.**

1. Fakulteti i Filologjisë më datë **02.10.2020** në ora **9:00**
2. Fakulteti i Ndërtimtarisë më datë **02.10.2020** fillon në ora **9:00-12:00**
3. Fakulteti i Arkitekturës më datë **02.10.2020** në ora **13:00.-15:00**
4. Fakulteti i Edukimit Fizik dhe i Sportit më datë **02 dhe 03.10.2020** në ora **8:00**

#### **Grupi II.**

1. Fakulteti i SHMN-së më datë **03.10.2020** në ora **9:00**
2. Fakulteti Ekonomik më datë **03.10.2020** në ora **9:00**
3. Fakulteti i Bujqësisë dhe Veterinës më datë **03.10.2020** në ora **9:00**

#### **Grupi III.**

1. Fakulteti Filozofik më datë **05.10.2020** në ora **9:00**
2. Fakulteti Juridik më datë **05.10.2020** në ora **9:00**
3. Fakulteti i Mjekësisë më datë **05.10.2020** duke filluar nga ora **9:00**
4. Fakulteti i Arteve të Bukura më datë **03.10.2020, 05.10.2020 dhe 06.10.2020** nga ora **9:00 me grupe**

#### **Grupi IV.**

1. Fakulteti i Inxhinierisë Elektrike dhe Kompjuterike më datë **06.10.2020** fillon në ora **9:00-11:00**
2. Fakulteti i Inxhinierisë Mekanike më datë **06.10.2020** fillon në ora **9:00-11:00**
3. Fakulteti i Edukimit më datë **06.10.2020** në ora **9:00**.
10. Të gjithë kandidatët në provim pranues duhet të jenë të pajisur me maskë mbrojtëse (Vendim i Qeverisë së Republikës së Kosovës) dhe me vete të posedojnë letërnjoftimin, pa të cilin nuk mund t'i nënshtrohen provimit pranues.
11. **Në kohën e mbajtjes së provimit pranues ndalohet përdorimi i telefonave celularë!**

#### **IV. SHPALLJA E REZULTATEVE PRELIMINARE DHE PËRFUNDIMTARE**

1. **Shpallja e rezultateve preliminare** e provimit pranues do të bëhet në tabelat e shpalljeve si dhe në ueb-faqen e fakulteteve përkatëse sipas grupeve të fakulteteve, bazuar në datat e mbajtjes së provimit pranues dhe atë:
  - a) Grupin e parë dhe të dytë më së voni deri më datë **05.10.2020**, në ora **16:00**;
  - b) Grupin e tretë dhe të katërt më së voni deri më datë **07.10.2020**, në ora **16:00**;
2. *Me rastin e shpalljes së rezultatit preliminar nuk nënkuptohet se kandidati është pranuar, sepse pas ankesës dikush nga kandidatët mund të radhitet me lartë me pikë se kandidati i cili ishte radhitur sipas rezultatit preliminar.*
3. **Shpallja e rezultateve përfundimtare** të provimit pranues do të bëhet në tabelat e shpalljeve si dhe në ueb-faqen e fakulteteve përkatëse, pas shqyrtimit të ankesave sipas grupeve të fakulteteve, bazuar në datat e mbajtjes së provimit pranues dhe atë:
  - a) Grupin e parë dhe të dytë më së voni deri më datë **07.10.2020**, pas orës **17:00**;
  - b) Grupin e tretë dhe të katërt më së voni deri më datë **09.10.2020**, pas orës **17:00**;

#### **V. E DREJTA DHE AFATI PËR ANKESË**

1. Kandidatët të cilët sipas rezultatit preliminar renditen si kandidatë të papranuar, mund t'i paraqesin ankesë fakultetit përkatës më së largu **48 orë pas publikimit të rezultateve preliminare** (llogariten ditët e punës), respektivisht për grupet si në vijim:
  - a) Grupin e parë dhe të dytë më së voni deri më datë **07.10.2020**, në ora **16:00**;
  - b) Grupin e tretë dhe të katërt më së voni deri më datë **09.10.2020**, në ora **16:00**;
3. Pas afatit të përcaktuar si pikën e sipërshënuar. ankesat nuk do të pranohen. Shqyrtimi i ankesave bëhet, menjëherë pas mbylljes së afati ligjor për ankesa dhe atë në nivel të universitetit vetëm nga Komisioni për Shqyrtimin e Ankesave nga fakulteti përkatës.
2. Kandidatët që nuk janë pranuar mund t'i tërheqin dokumentet e tyre në fakultetin përkatës nga data **13.10.2020-20.10.2020**.
3. **Në departamentet, degët, drejtimet ose programet, ku nuk plotësohet numri i kandidatëve të paraparë me këtë konkurs, do të shpallet konkurs plotësues.**
4. Për informata më të hollësishme, kandidatët mund t'u drejtohen fakulteteve përkatëse ose ta vizitojnë faqen e internetit: [www.uni-pr.edu](http://www.uni-pr.edu)

#### **VI. AFATET E REGJISTRIMIT PËR KANDIDATËT E PRANUAR**

1. **Regjistrimi i kandidatëve të pranuar do të bëhet në Administratën Qendrore të UP-së (ndërtesa e Bibliotekës Universitare), sipas këtij orari:**
  - Fakulteti i Filologjisë më datë **08.10.2020**, prej orës **9:00-12:00** dhe **13:00 - 15:00**;
  - Fakulteti i Ndërtimtarisë më datë **08.10.2020**, prej orës **9:00-12:00** dhe **13:00 - 15:00**;
  - Fakulteti i Edukimit Fizik dhe i Sportit më **08.10.2020**, prej orës **9:00-12:00** dhe **13:00 - 15:00**;
  - Fakulteti i Shkencave Matematiko-Natyrore më datë **09.10.2020**, prej orës **9:00-12:00** dhe **13:00 - 15:00**;
  - Fakulteti i Arkitekturës më datë **09.10.2020**, prej orës **9:00-12:00** dhe **13:00 - 15:00**;
  - Fakulteti i Bujqësisë dhe Veterinarisë më datë **09.10.2020**, prej orës **9:00-12:00** dhe **13:00 - 15:00**;
  - Fakulteti i Ekonomik më **10.10.2020**, prej orës **9:00-12:00** dhe **13:00 - 15:00**;

- Fakulteti Filozofik më datë **12.10.2020**, prej orës 9:00-12:00 dhe 13:00 - 15:00;
  - Fakulteti Juridik më datë **12.10.2020**, prej orës 9:00-12:00 dhe 13:00 - 15:00;
  - Fakulteti i Arteve të Bukura më datë **12.10.2020**, prej orës 9:00-12:00 dhe 13:00 - 15:00;
  - Fakulteti i Inxhinierisë Elektrike dhe Kompjuterike më datë **13.10.2020**, prej orës 9:00-12:00 dhe 13:00 - 15:00;
  - Fakulteti i Inxhinierisë Mekanike më datë **13.10.2020**, prej orës 9:00-12:00 dhe 13:00 - 15:00;
  - Fakulteti i Mjekësisë më datë **14.10.2020**, prej orës 9:00-12:00 dhe 13:00 - 15:00;
  - Fakulteti i Edukimit më datë **14.10.2020**, prej orës 9:00-12:00 dhe 13:00 - 15:00;
2. Kandidatët të cilët nuk kanë arritur që të regjistrohen brenda afateve të përcaktuara si më sipër, mund të regjistrohen më së voni deri më **15.10.2020, në ora 12:00**. Jashtë këtij afati kandidatët e pranuar nuk do të mund të regjistrohen për shkak të mbylljes së Sistemit për Menaxhimin e Informacionit të Arsimit të Lartë (SMIAL), prandaj luten që t'i përmbahen afatit të lartshënuar.
3. Procesi i regjistrimit të një kandidati të pranuar konsiderohet i përmbyllur në momentin e fotografimit, respektivisht transferit/bartjes së fotografisë nga Agjencia e Regjistrimit Civil e Ministrisë së Punëve të Brendshme, në ID-Kartelën studentore.
4. Kandidatët e pranuar do të informohen me kohë përmes Njoftimit në web-faqe të UP-së [www.uni-pr.edu](http://www.uni-pr.edu) lidhur me procesin e fotografimit, nëse për çfarëdo arsye dështon transferi/bartja e fotografisë nga Regjistri Civil i Ministrisë së Punëve të Brendshme të Republikës së Kosovës (Marrëveshje në mes UP-dhe ACR-MPB).
5. Në qoftë se kandidati i pranuar, në afatin e caktuar, nuk i përfill të gjitha procedurat e parapara në këtë konkurs, konsiderohet se ai/ajo ka hequr dorë nga e drejta e regjistrimit.
6. Kandidatët e pranuar për regjistrim duhet të paraqesin:
- a) Fletëregjistrimin e plotësuar, i cili shkarkohet dhe shtypet (bardh e zi) nga faqja <http://apliko.uni-pr.edu>
  - b) Dy fotografi (formati 4.5 x 6 cm), të cilat duhet të jenë sipas normave dhe rregullave për dokumente personale.
  - c) Studentët shtetas të Republikës së Kosovës që fillojnë studimet në Universitetin e Prishtinës vitin e parë të studimeve e kanë falas.
  - d) Pagesa për një semestër për studentë që nuk janë shtetas të Republikës së Kosovës do të jetë në lartësi prej **25 €**.
7. Pagesa bëhet në njërin prej bankave afariste me fletëparaqitje për pagesë, e cila shkarkohet dhe shtypet nga ueb faqja e Universitetit të Prishtinës.

#### L FAKULTETI FILOZOFIK-PRISHTINË

Në vitin e parë të studimeve do të regjistrojë **620** studentë në departamentet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë <b>12%</b>	Kandidatë nga Presheva, Bujanoci, Medvexha, <b>2%</b>	Kandidatë nga Maqedonia dhe Shqipëria, <b>2%</b>	Kandidatë nga Mali i Zi <b>1%</b>	Gjithsej
<b>Filozofik</b>	513	72	14	14	7	<b>620</b>
<b>Departamenti Filozofi</b>	83	12	2	2	1	<b>100</b>
Programi Filozofi	83	12	2	2	1	100
<b>Departamenti Punë Sociale</b>	41	6	1	1	1	<b>50</b>
Programi Punë Sociale	41	6	1	1	1	50
<b>Departamenti Histori</b>	108	14	3	3	2	<b>130</b>
Programi Histori	108	14	3	3	2	130

<b>Departamenti Shkenca Politike</b>	<b>83</b>	<b>12</b>	<b>2</b>	<b>2</b>	<b>1</b>	<b>100</b>
Programi Shkenca Politike	83	12	2	2	1	100
<b>Departamenti Sociologji</b>	<b>83</b>	<b>12</b>	<b>2</b>	<b>2</b>	<b>1</b>	<b>100</b>
Programi Sociologji	83	12	2	2	1	100
<b>Departamenti Psikologji</b>	<b>83</b>	<b>12</b>	<b>2</b>	<b>2</b>	<b>1</b>	<b>100</b>
Programi Psikologji	83	12	2	2	1	100
<b>Departamenti i Etnologjisë dhe Antropologjisë Kulturore</b>	<b>32</b>	<b>4</b>	<b>2</b>	<b>2</b>	<b>0</b>	<b>40</b>
Profili Antropologji Kulturore	16	2	1	1	0	20
Profili Arkeologji	16	2	1	1	0	20

#### PROVIMI PRANUES

Provimi pranues mbahet nga lëndët e lëmit të ngushtë profesional të degëve mësimore të fakultetit dhe atë:

- Në Departamentin e Filozofisë nga Filozofia dhe Sociologjia;
- Në Departamentin e Punës Sociale nga Edukata Qytetare, Psikologjia dhe Sociologjia;
- Në Departamentin e Historisë nga Historia e botës, Historia e popullit shqiptar dhe Edukata qytetare;
- Në Departamentin e Shkencave Politike nga Sociologjia, Filozofia, Historia dhe Edukata qytetare;
- Në Departamentin e Sociologjisë nga Sociologjia dhe Filozofia;
- Në Departamentin e Antropologjisë nga Historia, Letërsia dhe Sociologjia.
- Në Departamentin e Psikologjisë nga Psikologjia, Filozofia dhe Verifikimi i aftësive të përgjithshme për studime.

#### II. FAKULTETI I SHKENCAVE MATEMATIKE-NATYRORE - PRISHTINË

Në vitin e parë të studimeve do të regjistrojë **570** studentë të rregullt dhe atë në departamentet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>SHMN</b>	<b>474</b>	<b>67</b>	<b>11</b>	<b>11</b>	<b>7</b>	<b>570</b>
<b>Departamenti i Matematikës</b>	<b>150</b>	<b>21</b>	<b>3</b>	<b>3</b>	<b>3</b>	<b>180</b>
Programi Matematikë	50	7	1	1	1	60
Programi Shkencat Kompjuterike	50	7	1	1	1	60
Programi Matematikë financiare në banka dhe sigurime	50	7	1	1	1	60
<b>Departamenti i Fizikës</b>	<b>65</b>	<b>10</b>	<b>2</b>	<b>2</b>	<b>1</b>	<b>80</b>
Programi Fizikë	65	10	2	2	1	80
<b>Departamenti i Kimisë</b>	<b>101</b>	<b>14</b>	<b>2</b>	<b>2</b>	<b>1</b>	<b>120</b>
Programi Kimi	50	7	1	1	1	60
Programi Kimi Inxhinierike	51	7	1	1	0	60
<b>Departamenti i Biologjisë</b>	<b>99</b>	<b>14</b>	<b>3</b>	<b>3</b>	<b>1</b>	<b>120</b>
Programi Biologji	61	9	2	2	1	75
Programi Ekologji-Mbrojtje e mjedisit	38	5	1	1	0	45
<b>Departamenti i Gjeografisë</b>	<b>59</b>	<b>8</b>	<b>1</b>	<b>1</b>	<b>1</b>	<b>70</b>
Programi Gjeografi	59	8	1	1	1	70

### PROVIMI PRANUES

Provimi pranues mbahet nga lëndët e lëmit të ngushtë profesional të departamentit përkatës të fakultetit dhe atë:

- Në Departamentin e Matematikës nga Matematika;
- Në Departamentin e Fizikës nga Fizika dhe Matematika;
- Në Departamentin e Kimisë nga Kimia, Fizika dhe Matematika;
- Në Departamentin e Biologjisë nga Biologjia dhe Kimia;
- Në Departamentin e Gjeografisë nga Gjeografia.

Në testet e provimit pranues të cilat kanë detyra, krahas qarkimit të përgjigjes së saktë, duhet të ofrohet edhe zgjidhja e detyrës.

### III. FAKULTETI I FILOLOGJISË-PRISHTINË

Në vitin e parë të studimeve do të regjistrojë **665** studentë të rregullt dhe atë në programet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>Filologjik</b>	<b>556</b>	<b>76</b>	<b>13</b>	<b>13</b>	<b>7</b>	<b>665</b>
Programi Gjuhë Shqipe	50	7	1	1	1	60
Programi Letërsi Shqipe	57	8	2	2	1	70
Programi Gjuhë dhe Letërsi Angleze	112	13	2	2	1	130
Programi Gjuhë dhe Letërsi Gjermane	101	14	2	2	1	120
Programi Gjuhë dhe Letërsi Frënge	50	7	1	1	1	60
Programi Orientalistikë	24	4	1	1	0	30
Programi Gjuhë dhe Letërsi Turke	37	5	1	1	1	45
Programi Gazetari	125	18	3	3	1	150

### PROVIMI PRANUES

Provimi pranues mbahet nga lëndët e fushës së ngushtë profesionale të departamentit përkatës të fakultetit:

- Në Programin e Gjuhës Shqipe nga Gjuha shqipe (me shkrim);
- Në Programin e Letërsisë Shqipe nga Letërsia shqipe (me shkrim);
- Në Programin e Gjuhës dhe Letërsisë Angleze nga Gjuha angleze (me shkrim);
- Në Programin e Gjuhës dhe Letërsisë Gjermane nga Gjuha gjermane (me shkrim);
- Në Programin e Gjuhës dhe Letërsisë Frënge nga Gjuha frënge (me shkrim);
- Në Programin e Gjuhës dhe Letërsisë Turke nga Gjuha turke (me shkrim);
- Në Programin e Orientalistikës provimi pranues mbahet në formë testi nga këto lëmi: Gjuhë turke dhe arabe (njohuri elementare), Qytetërim islam, kulturë orientale (me shkrim);
- Në Programin e Gazetarisë provimi pranues mbahet në formë testi nga këto lëmi: Gjuhë shqipe, Letërsi shqipe, Qytetërim shqiptar, Qytetërim botëror, dhe Ese.

### IV. FAKULTETI JURIDIK

Në vitin e parë të studimeve do të regjistrojë **800** studentë të rregullt.

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>Juridik</b>	<b>664</b>	<b>96</b>	<b>16</b>	<b>16</b>	<b>8</b>	<b>800</b>

### PROVIMI PRANUES

Provimi pranues mbahet nga lëndët: Fillet e së Drejtës, E Drejta Kushtetuese dhe Gjuhë Shqipe.

### V. FAKULTETI EKONOMIK-PRISHTINË

Në vitin e parë të studimeve do të regjistrojë **1250** studentë të rregullt, dhe atë në departamentet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>Ekonomik</b>	1036	150	25	25	14	1250
<b>Departamenti Banka dhe financa</b>	249	36	6	6	3	300
Programi Banka dhe financa	249	36	6	6	3	300
<b>Departamenti Menaxhment</b>	290	42	7	7	4	350
Programi Menaxhment	290	42	7	7	4	350
<b>Departamenti Marketing</b>	166	24	4	4	2	200
Programi Marketing	166	24	4	4	2	200
<b>Departamenti Ekonomiks</b>	166	24	4	4	2	200
Programi Ekonomiks	166	24	4	4	2	200
<b>Departamenti i Kontabilitetit</b>	124	18	3	3	2	150
Programi i Kontabilitetit	124	18	3	3	2	150
<b>Departamenti Ekonomi e Aplikuar dhe Menaxhment ( Gjuhë Angleze)(BSc)</b>	41	6	1	1	1	50
Programi Ekonomi e Aplikuar dhe Menaxhment ( Gjuhë Angleze)(BSc)	41	6	1	1	1	50

### PROVIMI PRANUES

Provimi pranues për departamentet në gjuhën shqipe do të mbahet nga lëndët: Hyrje në ekonomi dhe Matematikë. Provimi pranues për programin Ekonomi e Aplikuar dhe Menaxhment ( Gjuhë Angleze)(BSc), do të mbahet nga lëndët: Hyrje në ekonomi, Matematikë dhe Gjuhë angleze.

### VI. FAKULTETI I NDËRTIMTARISË-PRISHTINË

Në vitin e parë të studimeve do të regjistrojë **300** studentë të rregullt dhe atë sipas departamenteve si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>Fakulteti i Ndërtimtarisë</b>	248	36	6	6	4	300
<b>Departamenti i Konstruksioneve</b>	125	18	3	3	1	150
Programi Konstruktiv	125	18	3	3	1	150
<b>Departamenti i Hidroteknikës</b>	50	7	1	1	1	60
Programi Hidroteknikë	50	7	1	1	1	60
<b>Departamenti i Gjeodezisë</b>	41	6	1	1	1	50

Programi Gjeodezi	41	6	1	1	1	50
<b>Departamenti i Inxhinierisë së Mjedisit</b>	<b>32</b>	<b>5</b>	<b>1</b>	<b>1</b>	<b>1</b>	<b>40</b>
Programi Inxhinieri e Mjedisit	32	5	1	1	1	40

#### PROVIMI PRANUES

Provimi pranues do të mbahet nga lënda: Matematikë.

Për t'u pranuar, kandidati duhet të arrijë minimum 40% nga pikët e parapara për secilën pjesë të provimit pranues, përveç kandidatëve që i takojnë kategorisë si në paragrafët 2, 3 dhe 4 të pikës I të këtij konkursi, të cilët duhet të arrijnë minimumi 30% nga pikët e parapara për secilën pjesë të provimit pranues.

#### VII. FAKULTETI I INXHINIERISË ELEKTRIKE DHE KOMPJUTERIKE-PRISHTINË

Në vitin e parë të studimeve do të regjistrojë **390** studentë të rregullt dhe atë në programet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>FIEK</b>	<b>322</b>	<b>47</b>	<b>8</b>	<b>8</b>	<b>5</b>	<b>390</b>
Programi Inxhinierisë Kompjuterike	116	17	3	3	1	140
Programi Telekomunikacion- Moduli : rrjetet kompjuterike	50	7	1	1	1	60
Programi Elektronikë	50	7	1	1	1	60
Programi Automatikë e Kompjuterizuar dhe Robotikë	41	6	1	1	1	50
Programi Elektroenergjetikë	65	10	2	2	1	80

#### PROVIMI PRANUES

Provimi pranues do të mbahet nga lënda: Matematikë.

#### VIII. FAKULTETI I INXHINIERISË MEKANIKE-PRISHTINË

Në vitin e parë të studimeve do të regjistrojë **510** studentë të rregullt dhe atë sipas programeve si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>FIM</b>	<b>417</b>	<b>63</b>	<b>12</b>	<b>12</b>	<b>6</b>	<b>510</b>
Programi Prodhimtari dhe Automatizim,	74	11	2	2	1	90
Programi Termoeenergjetika dhe Energjia e Ripërtëritshme	74	11	2	2	1	90
Programi Komunikacion dhe transport	74	11	2	2	1	90
Programi Inxhinieria Industriale dhe Menaxhmenti	65	10	2	2	1	80
Programi Mekatronikë	65	10	2	2	1	80
Programi Dizajn Inxhinierik dhe Automjete	65	10	2	2	1	80

### PROVIMI PRANUES

Provimi pranues mbahet nga lënda: Matematikë.

#### IX. FAKULTETI I MJEKËSISË-PRISHTINË

Në vitin e parë të studimeve do të regjistrojë **420** studentë të rregullt dhe atë në programet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>Mjekësisë</b>	349	50	8	8	5	420
Programi Mjekësi e Përgjithshme	125	18	3	3	1	150
Programi Stomatologji	59	8	1	1	1	70
Programi Farmaci	41	6	1	1	1	50
Programi Fizioterapi	41	6	1	1	1	50
Programi Infermieri	83	12	2	2	1	100

Kandidatët të cilët aplikojnë për programet e studimit: Fizioterapi dhe Infermieri duhet të kenë të kryer shkollën e mesme të Mjekësisë.

### PROVIMI PRANUES

Provimi pranues për të gjitha degët e Fakultetit të Mjekësisë mbahet nga lëndët: Kimi dhe Biologji.

#### X. FAKULTETI I ARTEVE TË BUKURA-PRISHTINË

Në vitin e parë të studimeve do të regjistrojë **173** studentë të rregullt dhe atë në programet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>Arteve të Bukura</b>	146	19	3	3	2	173
<b>Departamenti i Arteve të Bukura</b>	53	6	1	1	1	62
<b>Programi Baçelor i Arteve Vizuele</b>	42	5	1	1	1	50
Specializimi Pikturë	13	2	1	1	1	18
Specializimi Skulpturë	7	1	0	0	0	8
Specializimi Grafikë	11	1	0	0	0	12
Specializimi Arti konceptual dhe mediet e reja	11	1	0	0	0	12
<b>Programi Baçelor i Arteve aplikative</b>	11	1	0	0	0	12
Specializimi Dizajn Grafik	11	1	0	0	0	12
<b>Departamenti i Artit Muzikor</b>	61	8	2	2	1	74
<b>Programi Baçelor i Muzikës</b>	21	3	1	1	1	27
Profili Pedagogji e përgjithshme muzikore	19	3	1	1	1	25
Profili Kompozim	2	0	0	0	0	2

<b>Programi Baçelor i Muzikës në Performim</b>	<b>40</b>	<b>5</b>	<b>1</b>	<b>1</b>	<b>0</b>	<b>47</b>
Specializimi Solo këndim	4	0	0	0	0	4
Specializimi Dirigjim	2	0	0	0	0	2
Specializimi Piano	7	1	1	1	0	10
<b>Profili Harkor</b>	<b>14</b>	<b>2</b>	<b>0</b>	<b>0</b>	<b>0</b>	<b>16</b>
Violinë	3	1	0	0	0	4
Violë	3	0	0	0	0	3
Violonçelo	3	0	0	0	0	3
Kontrabas	2	1	0	0	0	3
Kitarë	3	0	0	0	0	3
<b>Profili Frymor</b>	<b>13</b>	<b>2</b>	<b>0</b>	<b>0</b>	<b>0</b>	<b>15</b>
Flaut	3	1	0	0	0	4
Obo	1	0	0	0	0	1
Klarinetë	3	1	0	0	0	4
Trombon	2	0	0	0	0	2
Fagot	1	0	0	0	0	1
Korne	1	0	0	0	0	1
Trompete	1	0	0	0	0	1
Saksofon	1	0	0	0	0	1
<b>Departamenti i Artit Dramatik</b>	<b>32</b>	<b>5</b>	<b>0</b>	<b>0</b>	<b>0</b>	<b>37</b>
Programi Aktrim	11	1	0	0	0	12
Programi Dramaturgji	5	1	0	0	0	6
Programi Regji filmi dhe televizioni	5	1	0	0	0	6
Programi Regji teatri	5	1	0	0	0	6
Programi Dizajn skene dhe kostumografi	6	1	0	0	0	7

#### KUSHTET E REGJISTRIMIT

Përveç kushteve të përbashkëta të përcaktuara me konkurs, kandidatët e paraqitur në konkurs për regjistrim në Fakultetin e Arteve duhet t'i plotësojnë edhe këto kushte:

#### NË DEPARTAMENTIN E ARTEVE TË BUKURA

Për përcaktimin e talentit për krijimtari artistike, kushtet e veçanta për studim në Degën e Arteve të Bukura janë:

##### **Programi Baçelor i Arteve Vizuale**

##### ***Specializimi Pikturë***

- Portfolio me 5 punime të punuara sipas modelit (studimi i kokës dhe figura në përpjesëtime natyrore) dhe së paku 5 punime sipas zgjedhjes së lirë (natyrë e qetë, peizazh, kompozicion etj.).

##### ***Specializimi Skulpturë***

- Portfolio me 5 punime nga skulptura sipas modelit, prej të cilave një duhet të jetë studimi i kokës në përpjesëtime natyrore dhe së paku 5 vizatime sipas modelit.

##### ***Specializimi Grafikë***

- Portfolio me punime sipas modelit (studimi i kokës dhe figurës në përpjesëtime natyrore) dhe së paku 5 punime sipas zgjedhjes së lirë (natyrë e qetë, peizazh, kompozicion etj.).

##### ***Specializimi Arti Konceptual dhe Mediat e Reja***

##### ***Faza e parë***

- Kandidatët i nënshtrohen testit të përbërë prej 10 pyetjeve nga mediumet e reja në artet bashkëkohore.

- Kandidatët shkruajnë një ese prej 400 fjalë.

#### ***Faza e dytë***

Puna praktike në mediumin që e zgjedh vetë kandidati.

1. Pikturë konceptuale;
2. Video instalacion;
3. Video;
4. Skulpturë konceptuale, instalacion etj.

#### ***Faza e tretë***

Portofolion me 10 punime nga mediumet e reja, Pikturë konceptuale, Video instalacion, Video, Skulpturë konceptuale, instalacion etj.

Kandidatët do të kenë intervistë lidhur me njohuritë mbi profesionin që do të studiojnë.

### **Programi Bachelori i Arteve Aplikative**

#### **PROFILI: STUDIME DIZAJNI – DIZAJN GRAFIK**

Përzgjedhja e kandidatëve bëhet sipas këtyre kriterëve:

##### **TESTIM, SELEKTIMI I:**

1. Vizatim analitik në temë të caktuar
2. Ilustrim në temë të caktuar

##### **TESTIM, SELEKTIMI II:**

3. Adobe Suite Test - Realizimi i shenjës/symbolit ose piktogramit përmes programit Adobe Illustrator

##### **SELEKTIMI III:**

4. Intervistimi i kandidateve të cilët i kanë përmbushur kriteret për pranim në dy fazat paraprase të selektimit.

**KUSHTET PER APLIKIM:** (Përveç kushteve të përgjithshme)

- Diploma/Certifikata e gjuhës angleze min. niveli Upper Intermediate (B2)
- Letër motivuese me së paku 500 fjalë (Versioni fizik dhe online - PDF)
- Portfolio\* (Versioni fizik në formatin A3 dhe online - linqe të punimeve) me së paku 10-15 punime origjinale nga fusha e Dizajnit Grafik dhe Multimedias (identitet vizual, poster, ilustrime, animacion, motion graphics, dizajn të web-faqes, video, 3D, fotografi dhe punime të tjera kreative). Për të dokumentuar procesin kreativ, punimeve t'iu bashkëngjiten skicat fillestare të këtyre punimeve.

\* Në portfolio (versioni fizik dhe online) të jetë i shënuar qartë emri dhe mbiemri i kandidatit .

#### **APLIKIMI:**

- Dokumentet dhe punimet *fizike* prانه në Fakultetin e Arteve. Prishtinë.
- Dokumentet dhe punimet e bashkëngjitura *digjitale* dërgohen online në adresën zyrtare elektronike të Fakultetit të Arteve: [arte@uni-pr.edu](mailto:arte@uni-pr.edu) me titull:

**Aplikimi: Studime Dizajni – Dizajn Grafik**

- Emri, mbiemri dhe numri personal
- Letra motivuese (PDF)

***Te gjitha dokumentet dhe punimet e kërkuara të dorëzohen brenda afatit të shpallur në web-faqen zyrtare të Fakultetit të Arteve të Bukura në Prishtinë.***

### **NË DEPARTAMENTIN E ARTEVE MUZIKORE**

Përveç kushteve të përbashkëta të përcaktuara me konkurs, kandidatët e paraqitur në konkurs për regjistrim në nivelin bachelori në Fakultetin e Arteve, respektivisht në profilet e Departamentit të Muzikës, duhet t'i plotësojnë edhe këto kushte:

- Duhet të ketë të përfunduar shkollën e mesme të Muzikës në instrumentin përkatës apo drejtimin përkatës.

#### **Profili: PIANO**

- Provim nga lënda PIANO - (a) J. S. Bach - 1 Prelud dhe Fugë nga WTC b) 1 Vepër virtuoze; c) 1 Sonatë klasike (një kohë); d) 1 Vepër madhore romantike;
- Provim nga lënda: SOLFEZH;
- Provim nga lënda TEORI E MUZIKËS;

#### **Profili: INSTRUMENTET ME HARQË DHE KITARA**

- Provim nga instrumenti harkor përkatës - (a) J. S. Bach - 1 Kohë nga Suita / Partita; b) 1 Koncert (një kohë); c) 1 Sonatë (një kohë); d) 1 Pjesë cantilene;
- **KITARA**- a) 2 kohë nga suitat e Bach-ut (nga suitat për çello ose flautë); b) F. SOR – 1 etyde nga op.6.dhe 29; c) 1 etyde përzgjedhje; d) 1 vepër ciklike;
- Provim nga lënda: SOLFEZH
- Provim nga lënda: TEORI E MUZIKËS

**Profili: INSTRUMENTET FRYMORE**

- Provim nga lënda e instrumenti frymor përkatës- (a) 1 Koncert (komplet); b) 1 Sonatë (komplet); c) 1 Pjesë virtuoze; )
- Provimi nga lënda: SOLFEZH
- Provim nga lënda: TEORI e MUZIKËS

**Profili SOLO KËNDIM**

- Provim nga lënda: SOLO KËNDIM -( a) 2 Arie (nga repertori operistik); b) 2 Këngë solo (në cilëndo gjuhë);
- Provim nga lëndët: SOLFEZH - TEORI e MUZIKËS
- Provim nga lënda: PIANO OBLIGAT

**BACELOR I MUZIKËS**

**Profili: KOMPOZIM**

- Prezantimi i 3 kompozimeve të dorëzuara;
- Provim nga lënda: SOLFEZH
- Provim nga lëndët: HARMONI - POLIFONI
- Provim nga lënda: PIANO OBLIGAT

**Profili: PEDAGOGJI E PËRGJITHSHME E MUZIKËS**

- Provim nga lënda: SOLFEZH
- Provim nga lënda: HARMONI
- Provim nga lënda: PIANO OBLIGAT

**NË DEPARTAMENTIN E ARTEVE DRAMATIKE**

Për verifikimin e aftësive të veçanta, kandidatët do të japin këto provime:

**Programi Aktrim**

**Pjesa e parë** e programi eliminues:

- Recitim i një poezie (sipas zgjedhjes së kandidatit);
- Monolog dramaturgjia e autorëve- dramaturgëve botërorë dhe kombëtarë (sipas zgjedhjes së kandidatit);
- Tregim i shkurtër popullor (sipas zgjedhjes së kandidatit);
- Një këngë;
- Një imitim;

Kandidati është i obliguar që t'i mësojë përmendësh dhe t'i përgatisë detyrat. Komisioni, pas programit të shfaqur, mund t'i shtojë kandidatit edhe detyra plotësuese (improvizime), për të fituar bindje sa më të plotë për aftësitë e kandidatit.

**Pjesa e dytë** e programit eliminues:

- Puna me mësimdhënës të caktuar,
- Verifikimi përfundimtar i aftësive.
- Të gjithë aplikantët lutën të sjellin fotografi "bust" në ditën e aplikimit.

**Programi Regji Teatri**

Kandidatët duhet të sjellin një koncept regjisorial për inskenimin e një shfaqje, me skica për hapësirë skenike. Provimi pranues zhvillohet në dy pjesë:

Pjesa e parë e provimit përbëhet nga vlerësimi i punimeve të sjella dhe vlerësimi i kulturës së përgjithshme të kandidatit, ndërsa pjesa e dytë e provimit pranues (për kandidatët të cilët e kalojnë pjesën e parë të provimit) përbëhet nga inskenimi i një situatë nga një dramë e përcaktuar nga komisioni vlerësues.

**Programi i Regji Filmi dhe Televizioni**

Kandidatët që konkurrojnë në Regji Filmi duhet t'i nënshtrohen testit me pyetje të kulturës së përgjithshme, në veçanti nga arti dhe kryesisht nga filmi.

Sinopsis me shkrim në temën e dhënë në pjesën e parë të provimit. Tema jepet menjëherë pas testit në provim.

Kandidatët, që e kalojnë në pjesën e dytë, i mbrojnë para komisionit punimet e veta.

Kandidatët, që e kalojnë në pjesën e tretë, janë të detyruar të gjejnë vetë në temën e dhënë (film tre minutash), të cilin e shfaqin para komisionit në finale.

**Programi Dramaturgjia**

Hartim me shkrim në temën e lirë,

Dialogu me shkrim në temën e tragjedisë,

Dialogu me shkrim në temën e komedisë,  
Testimi me gojë lidhur me njohuritë nga sfera e kulturës së përgjithshme,  
Testim me gojë nga fusha e dramaturgjisë.

#### **Programi Dizajn skene dhe Kostumografi**

- Portfolio me 10 projekte ideore (skenografi): skica të skenografisë për dramë të caktuar, një skenografi të inskenuar në hapësirë të caktuar.

Kandidatët i nënshtrohen provimit pranues si vijon:

- Në Programin Dizajn skene: portret sipas modelit (1 ditë), vizatim i aktit (1 ditë) dhe detyrë nga piktura në skenografi (1 ditë).

- kandidatët i nënshtrohen testit nga regjia e filmit, TV dhe teatrit.

#### **Literatura për provim pranues: Aktrim, Regji Teatri, Regji Filmi dhe Dramaturgji**

1. Georg Sodull - "Historia e filmit"
2. Abaz Hoxha - "Historia e filmit shqiptar"
3. Luis Herman - Skenari i filmit dhe i televizionit
4. Jezhi Plazheviski - Gjuha e filmit
5. Fadil Hysaj: "Teatrologji, dramaturgji, regji dhe aktrim"
6. Aristoteli: "Poetika"
7. Vlladan Shvacov: "Bazat e dramaturgjisë"
8. Dr. Nebi Islami: "Historia e dramës kombëtare 1886-1996"
9. Dr. Josif Papagjoni: "Komedi që vjen nga skena"
10. Eskili: "Orestia"
11. Sofokli: Një tragjedi
12. Aristofani: Një komedi
13. Shekspiri: Një tragjedi
14. Molieri: Një komedi
15. Dramaturgji nga tradita: Anton Santori, Sami Frashëri, Kristo Floqi etj.
16. Dramaturgji bashkëkohore: Anton Pashku, Haqif Mulliqi, Rexhep Qosja, Ymer Shkreli, Flamur Hadri, Ekrem Kryeziu, Nebih Islami, Kasem Terbeshina etj.

### **XL FAKULTETI I BUJQËSISË DHE VETERINARISË-PRISHTINË**

Në vitin e parë të studimeve do të regjistrojë 440 studentë të rregullt dhe atë në programet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
<b>Bujqësisë dhe Veterinarisë</b>	367	52	8	8	5	440
Programi Prodhimtaria bimore	83	12	2	2	1	100
Programi Menaxhimi i biznesit në zootekni	59	8	1	1	1	70
Programi Mjekësi Veterinare	59	8	1	1	1	70
Programi Ekonomia Bujqësore	83	12	2	2	1	100
Programi Teknologji ushqimore me bioteknologji	83	12	2	2	1	100

#### **PROVIMI PRANUES**

Në programin Mjekësi Veterinare, provimi pranues mbahet në lëndët: Kimi dhe Biologji, ndërsa për programet tjera, provimi mbahet në lëndët: Kimi, Biologji dhe Matematikë.

## **XII. FAKULTETI I EDUKIMIT FIZIK DHE I SPORTIT-PRISHTINË**

Në vitin e parë të studimeve do të regjistrojë **150** studentë të rregullt:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
Edukimi Fizik dhe i Sportit	124	18	3	3	2	150

Kandidatët, para se të aplikojnë, duhet të sjellin dëshmi për kontroll të Gjendjes Psiko-Somatike (gjendja shëndetësore, të folurit, të shikuarit, të dëgjuarit, konstruksioni trupor).

Kontrolli mjekësor bëhet në Qendrën Kombëtare të Mjekësisë Sportive, në Pallatin e Rinisë dhe Sporteve.

### **PROVIMI PRANUES**

Përmbajtja dhe mënyra e dhënies së provimit pranues është:

1. Njohuritë lëvizore (motorike) sportive:
  - Futboll: puna me top-këmbë dhe kokë.
  - Hendboll: pasimet, trehapëshi dhe goditja në portë.
  - Basketboll: pasimi me dy duar, driblimi i topit me një dorë, dyhapëshi dhe gjuajtja në kosh.
  - Volejbol: pasimi i topit në çifte me gishtërinj dhe llëra (çekan), gjuajtja dhe pranimi i topit.
2. Aftësitë lëvizore (motorike):
  - Kërcimi nga vendi në gjatësi,
  - Ngritja me forcë në hekur (meshkujt),
  - Përkulje mbi krah (femrat),
  - Shpejtësia në 100 m (matet koha e vrapimit- meshkujt dhe femrat),
  - Bashkërendimi (koordinimi lëvizor),
3. Gjymnastikë sportive - Lëvizjet me trup të lirë: ekuilibri ballor, vertikalja mbi duar, kapërdimi para, rrotullimi anësor në të dy anët ose ylli (meshkujt dhe femrat).
4. Not (demonstrim i një nga teknikat e notit)
5. Agjilitet (T-testi)

Kriteret e poentimit, janë sipas rregullores së brendshme mbi kriteret e veçanta në disiplinat përkatëse.

Sportistët me rezultate të dalluara në sportet ndërkombëtare dhe ata në sportin kosovar poentohen edhe me pikë bonus, sipas kriterëve të posaçme të rregullores së brendshme.

Kandidatët janë të obliguar që në ditën e provimit pranues të kenë pajisjet sportive.

## **XIII. FAKULTETI I EDUKIMIT- PRISHTINË**

Në vitin e parë të studimeve do të regjistrojë **230** studentë të rregullt dhe atë në programet si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
Edukimit	192	27	4	4	3	230
Departamenti Fillor	101	14	2	2	1	120
Programi Fillor	101	14	2	2	1	120
Departamenti parashkollor	50	7	1	1	1	60
Programi Parashkollor	50	7	1	1	1	60
Departamenti i pedagogjise	41	6	1	1	1	50
Programi Pedagogji e Përgjithshme	41	6	1	1	1	50

#### PROVIMI PRANUES

- **Programi Fillor:** 1. Gjuhë dhe Letërsi Shqipe, 2. Matematikë, 3. Psikologji;
- **Programi Parashkollor:** 1. Gjuhë dhe Letërsi Shqipe, 2. Matematikë, 3. Psikologji;
- **Programi Pedagogji:** 1. Gjuhë Shqipe, 2. Psikologji, 3. Edukatë Qytetare;

#### XIV. FAKULTETI I ARKITEKTURËS- PRISHTINË

Në vitin e parë të studimeve do të regjistrojë **120** studentë të rregullt dhe atë në departamentin si në vijim:

Fakulteti-Departamenti-Programi	Per studime të rregullta	Kandidatë nga komunitetet jo-shumicë 12%	Kandidatë nga Presheva, Bujanoci, Medvexha, 2%	Kandidatë nga Maqedonia dhe Shqipëria, 2%	Kandidatë nga Mali i Zi 1%	Gjithsej
Fakulteti i Arkitekturës	101	14	2	2	1	120
Departamenti i Arkitekturës	101	14	2	2	1	120
Programi Arkitekturë	101	14	2	2	1	120

Provimi pranues mbahet nga Matematika, Perceptimi i hapësirës dhe Vizatimi i lirë (sllajdi).

Për t'u pranuar, kandidati duhet të arrijë minimum 40% nga piket e parapara për secilën pjesë të provimit pranues.

